

南
北
史
合
注

欽定四庫全書

南北史合注卷十一

明 李清 撰

陳本紀下第十一

南史十一

高宗孝宣皇帝諱頊字紹世小字師利始興昭烈王道
譚第二子梁中大通二年七月辛酉生有赤光滿室少
寬容多智略及長美容儀身長八尺三寸垂手過膝有
勇力善騎射武帝平侯景鎮京口梁孝元徵武帝子姪

入侍武帝遣高宗赴江陵累官為中書侍郎時有運主
李總與高宗有舊每同游處高宗嘗夜被酒張燈而寐
總適出尋反乃見是大龍便驚走他室魏平江陵遷長
安高宗貌若不慧魏將楊忠門客張子煦見而奇之曰
此人虎頭當大貴永定元年遷襲封始興郡王文帝嗣
位改封安成王天嘉三年自周還授侍中中書監中衛
將軍置佐吏歷司空尚書令廢帝即位拜司徒錄尚書
都督中外諸軍事光大二年正月進大傅領司徒加殊

禮劍履上殿十一月甲寅慈訓太后黜廢帝為臨海王
以王入繼皇統是年高麗新羅林邑狼牙修國並遣使
朝貢是月齊武成帝殂

太建元年春正月甲午皇帝即位太極前殿大赦改元
文武賜位一階孝弟力田及為父後者賜爵一級鰥寡
不能自存者人賜穀五斛

陳書載詔曰朕以寡薄志守藩維咏季高風風思陽
城遠托自元儲紹國正位君臨頻謀亂階將傾寶厯

欽定四庫全書

卷十一

仰惟嘉命爰集朕躬羣辟啟請相喧渭橋文母尊嚴
懸心長樂對揚璽綬非止殷湯三辭履涉春冬何但
代王五讓今便肅奉天策欽承介主當與黔黎普同
斯慶

復太皇太后尊號曰皇太后立妃柳氏為皇后世子叔
寶為皇太子封皇子江州刺史康樂侯叔陵為始興王
奉昭烈王祀乙未謁太廟丁酉分命大使觀省四方風
俗以尚書僕射沈欽為左僕射度支尚書王勣為右僕

射辛丑祀南郊壬寅封皇子建安侯叔英為豫章王豐
城侯叔堅為長沙王戊午祀太廟二月庚午皇后謁太
廟辛未皇太子謁太廟乙亥耕藉田夏五月甲午齊人
來聘丁巳以吏部尚書徐陵為尚書右僕射秋七月辛
卯皇太子納妃沈氏王公以下賜帛有差冬十月新
除左衛將軍歐陽純據廣州舉兵辛未遣開府儀同三
司章昭進攻之壬午祀太廟

二年春二月癸未章昭遣擒歐陽純送都斬于建康市

廣州平三月丙申皇太后崩丙午曲赦廣衡二州丁未
大赦又詔自討周迪華皎以來兵有死亡者並令收歛
併給棺槨送還本鄉夏四月乙卯廢帝伯宗殂

若果以天年終猶宣帝之厚也後主以亡國善終其
胚胎於斯乎

戊寅皇太后祔葬于萬安陵閏月祀太廟己酉太白晝
見五月壬午齊人來弔六月辛卯大雨雹乙巳分遣大
使巡州郡省冤屈

陳書載秋八月詔江介歸化者不問遠近悉蠲課役
良田廢村隨便安處又詔民田凡值水旱即列在所
言上折除有能懇起荒田不問頃畝多少依舊蠲稅
冬十二月癸巳夜西北雷是歲高麗遣使朝貢

齊武平元年

三年春正月癸丑以尚書右僕射徐陵為尚書僕射辛
酉祀南郊辛未祀北郊二月辛巳祀明堂丁酉耕藉田
三月丁丑大赦

陳書載自天康元年迄太建元年通餘軍糧祿秩夏
調未入者悉原之

夏四月壬辰齊人來聘五月甲申太白晝見六月丁亥
江陰王蕭季卿以罪免甲辰封東中郎長沙王府諮議
參軍蕭曩為江陰王秋八月皇太子釋奠太學九月癸
酉太白晝見冬十月乙酉周人來聘十二月壬辰司空
章昭達卒是歲高麗新羅丹丹天竺盤盤等國並遣使
朝貢

四年春正月丙午以尚書僕射徐陵為左僕射尚書監
王勣為右僕射二月乙酉立王子叔卿為建安王夏五
月癸卯尚書右僕射王勣卒是月周冢宰宇文護伏誅
秋八月辛未周人來聘

徐陵集載宣帝答書曰知以冢卿執政擅同洲藪妄
專征伐無將之誅已從司寇刑名既肅國步還康今
遣具位某等使不復多述陳頊頓首 陳書載戊寅
詔曰國之大事受脤與戎文叔懸制戎規孟德頗言

金史卷一百一十一
兵略朕既漸暗合良皆披覽兼收經督戎備嘗行陣
齊以七步肅之三鼓得自胸襟指掌可述今並條制
凡十三科且即班宣以為永准乙未詔停督湘江二
州逋租無錫等十五縣流民並蠲其縣賦

九月庚子朔日有蝕之辛亥大赦

陳書載詔曰朕嗣守寶圖傍缺諍臣朱雲摧檻良所
不逢禽息觸楹又為難值至如衣褐以見擔簦以遊
或者艾絕倫或妙年異等黑貂改弊黃金且殫終身

滯淹可為大息可通示文武凡厥在位風化乖殊朝
政紕蠹正色直辭有犯無隱兼各舉所知隨才明試
丙寅以故太尉徐度儀同三司杜稜程靈洗配食武帝
廟庭故司空章照達配食文廟廟庭冬十一月乙酉祀
太廟己亥地震甲辰辛樂遊苑採甘露宴羣臣是歲周
建德元年

五年春正月癸酉以吏部尚書沈君理為尚書右僕射
領吏部辛巳南郊甲午祀太廟二月辛丑丑祀明堂乙

卯夜有白氣如虹自北方貫北斗紫宮三月壬午以開
府儀同三司吳明徹都督征討諸軍事略地於齊丙戌
西衡州獻馬生角己丑皇孫肩生内外文武賜帛各有
差為父後者賜爵一級詔北伐衆軍所殺齊兵並令掩
埋夏六月癸卯周人來聘秋九月癸未尚書右僕射沈
君理卒壬辰晦夜明冬十月戊戌以中書令王瑒為吏
部尚書己亥以特進周弘正為尚書右僕射乙巳吳明
徹克壽陽城斬王琳傳首建鄴梟于朱雀航十二月壬

庚寅監豫州陳桃根於所部得青牛獻之詔以還民乙
未桃根又表上織成羅紋錦被各二百首詔于雲龍門
外焚之壬子郢州獻瑞鍾六六月丙戌詔為北征將士
死王事者克日舉哀壬辰以尚書右僕射王琚為尚書
僕射己酉改作雲龍神虎門秋八月癸卯周人來聘閏
九月壬辰都督吳明徹大破齊軍于呂梁是月甘露頻
降樂游苑丁未幸苑採雲霞宴羣臣詔于苑龍舟山立
甘露亭冬十月己巳立皇子叔齊為新蔡王叔文為晉

熙王十二月壬戌以尚書僕射王琚為左僕射太子詹事陸縉為右僕射甲子南康郡獻瑞鍾一

八年春正月庚辰西南有紫雲見二月壬申以開府儀同三司吳明徹為司空丁未詔江東道太建五年前租稅夏調逋在民間者悉原之夏四月甲寅詔今月十七日幸樂游苑設絲竹樂宴北伐凱旋諸侯庚寅尚書左僕射王琚卒六月甲寅以尚書右僕射陸縉為左僕射新除晉陽太守王克為右僕射秋九月戊戌立皇子叔彪

為淮南王

是歲齊隆化元年

九年春正月乙亥齊主傳位於其太子恒自號太上皇
辛卯祀北郊是月周滅齊二月壬子耕籍田

陳書載夏五月丙子詔自太建以來訖八年流移叛
戶所帶租調七年八年叛義丁五年訖八年叛軍丁
六年七年逋租田米粟夏調綿絹絲石麥等五年訖
七年逋資絹皆悉原之

秋七月庚辰大雨震萬安陵華表己丑震慧日寺剎及
瓦官寺重門一女子震死冬十月戊午司空吳明徹破
周將梁士彥於呂梁十二月戊申東宮成皇太子移于
新宮是歲百濟國遣使朝貢

齊幼主承光元年亡

十年春正月甲子周軍救梁士彥大敗司空吳明徹於
呂梁及將卒皆見囚俘不反三月辛未震武庫而子分
命衆軍備周乙酉大赦夏四月庚戌詔北伐文武應在

軍者並賜爵二級又詔御府堂署所營造禮樂儀服軍器外悉皆停息掖庭常供王侯妃主諸有奉卹者並量減

陳書載詔曰朕承梁季亂離斯瘼宮室禾黍有名無處雖輪奐未覩頗事經營去泰去甚猶為勞費加以戎車屢出千金日損府帑未克民疲征賦興言靜念時惕懷抱斲雕為朴猶望可希雉頭之服既焚弋綈之衣方襲損撤之制前自服躬草屨風行冀以變俗

庚申大雨雹五月甲申太白晝見六月丁酉周武帝崩
閏六月丁卯大雨震大皇寺剎莊嚴寺露盤重陽閣東
樓千秋門內槐樹及鴻臚府門秋八月戊寅隕霜殺稻
菽九月乙巳立方明壇于婁湖戊申以揚州刺史始興
王叔陵薰王官伯臨盟申寅辛婁湖臨誓衆乙卯分遣
大使班明誓于四方命上下相警冬十月戊子以尚書
左僕射陸繕為尚書僕射十二月乙亥合州廬江蠻田
伯興出寇樅陽刺史魯廣達討平之是歲新羅國遣使

朝貢周宣政元年

十一年春正月丁酉南充州言龍見二月癸亥耕藉田
陳書載夏五月甲寅詔田舊例以枉法受財為坐雖
重直法容賄其制甚輕豈不長彼貪殘生其侮弄今
可改不枉法受賄者科同正盜

秋七月辛卯初用大貨六銖錢八月丁卯幸大壯觀閱
武冬十月甲戌以尚書僕射陸繕為尚書左僕射以祠
部尚書晉安王伯恭為右僕射十一月辛卯大赦戊戌

周將梁士彥圍壽陽克之辛亥又克霍州癸丑以揚州
刺史始興王叔陵為大都督總督水部衆軍十二月乙
丑南北充晉三州及盱台山陽陽平馬頭秦歷陽沛北
譙南梁等九郡民並自拔向建鄴周又克譙北徐三州
自是淮南之地盡歸周矣己巳詔非軍國所須多所減
損歸于儉約

陳書載詔曰方今正道多違澆風又靡貴里豪家金
鋪玉鳥貧居陋巷羶食牛衣稱物平施何其遼遠燿

烽未息後賦兼勞文吏姦貪妄動科格重以旗亭關
市稅歛繁多不廣都內之錢非供水衡之費通過商
賈營謀私蓄靖情衆弊宜事改張今可宣勅主衣尚
方諸堂署等自非軍國資湏不得繕造衆物後官僚
列若有游長掖庭啓奏即皆量遠太子秘戲非會禮
經樂府倡優不合雅正並可刪改市估津稅軍令國
章更須詳定唯宜平允別觀離宮郊園野外非恒饗
宴勿復修治并勅内外文武車馬宅舍皆循儉約違

我嚴規抑有刑憲

是歲周宣帝大象元年

十二月夏四月癸亥尚書左僕射陸繕卒己卯大雩壬午雨五月癸巳以尚書右僕射晉安王伯恭為尚書僕射己酉周宣帝崩六月壬戌大風吹壞華門中閤秋八月己未周鄭州總管司馬消難以所統九州八鎮地來降以消難為大都督加司空封隨郡公庚申詔飭西將軍樊毅進督沔漢諸軍事遣南豫州刺史任忠率衆趨

歷陽趙武將軍陳慧紀為前軍都督趙南兖州戊辰以
司空司馬清難為大都督水陸諸軍事庚午通直散騎
常侍淳于陵克臨江郡癸酉智武將軍魯廣達克郭默
城甲戌大雨霖丙子淳于陵克祐州城九月癸未周臨
江太守劉顯光率衆來降是夜天東南有聲如風水相
激三夜乃止丁亥周將王延貴率衆援歷陽任忠擊破
之擒延貴等己酉周廣陵義軍主曹藻率衆來降冬十
月癸丑大雨震電

陳書載十一月乙丑詔丹陽吳興晉陵建興義興東
海信義陳留江陵等十郡田稅祿秩並各原半其田
租半申至來年秋登

十二月庚辰南徐州刺史河東王叔獻薨

十三年春正月壬午以中權將軍護軍將軍鄱陽王伯
山即本號開府儀同三司以尚書僕射晉安王伯恭為
左僕射吏部尚書袁憲為右僕射二月乙亥耕藉田秋
九月癸亥夜大風從西北來發屋拔樹大雨雹冬十月

癸未以散騎常侍毛喜為吏部尚書十二月辛巳彗星見西南是歲丹丹國遣使朝貢周靜帝大定元年遜于隋文帝改開皇元年

十四年春正月己酉帝不豫甲寅崩于宣福殿時年五十三遺詔凡厥終制事從省約金銀之飾不以入壙明器皆用瓦以日易月及公除之制悉依舊準在位百司三日一臨四方州鎮五等諸侯各守所職並停奔赴二月辛卯上諡曰孝宣皇帝廟號高宗癸巳葬顯寧陵帝

初在田本有恢弘之度及居尊位國步初弭創痍未復淮南之地並入于齊帝志復舊境

按陳書有云乃運神略授律出師戰勝攻取獻捷相繼此言前勝也當從陳書

彊弱之形理則懸絕犯斯不韙適足為擒及周兵滅齊乘勝而舉略地還至江際自此懼矣

此言後敗也尚從南史

既修飾都城為扞禦之備獲銘云二百年後當有痍人

修破吾城者時莫測所從

後主諱叔寶字元秀小字黃奴孝宣帝嫡長子梁承聖二年十一月戊寅生于江陵明年魏平江陵遷孝宣長安留後主於穰城天嘉三年歸建鄴立為安成王世子光大二年累遷侍中太建元年正月甲午立為皇太子十四年正月甲寅孝宣崩乙卯始興王叔陵構逆伏誅丁巳太子即皇帝于太極前殿大赦在位文武及孝悌力田為父後者並賜爵一級孤老鰥寡不能自存者賜

殺人五斛帛二匹癸亥以侍中丹陽尹長沙王叔堅為
驃騎將軍開府儀同三司揚州刺史乙丑尊皇后為皇
太后丁卯立皇弟叔敷為始興王奉昭烈王祀己巳立
妃沈氏為皇后辛未立皇弟叔儼尋陽王叔慎為岳陽
王叔達為義陽王叔熊為巴山王叔虞為武昌王甲戌
設無碍大會于太極前殿

陳書載三月辛亥詔曰躬推為勸義顯前經九農見
實事昭往誥今陽和在即膏澤潤下宜展春藉以望

秋坻其有新聞脞訟進壘蒿萊廣哀弗得度量征稅
悉皆停免私業久廢皆許占作公田縱荒亦隨肆勤
倘良守教耕淳民載酒有茲督課議以賞擢

三月癸亥詔內外衆官九品以上各薦一人

陳書載詔曰朕以寡薄嗣膺景祚思所以登顯髦彥
式備周行但空勞宵夢屢勤史卜是用甲旦凝慮丙
夜損懷應內外衆官九品以上可各薦一人且取備
寔難舉長或易小大之用明言所施勿得南箕北斗

名而非實其有負能伏氣擯壓當時著賓戲以自憐
草客嘲以慰志人生一世逢遇實難亦宜去此幽谷
翔天此路便當隨彼方圓飭之矩矱

又詔求忠諫無所隱諱

陳書載癸卯詔曰中歲克定淮泗爰涉青徐彼土酋
豪並輸誠款分遭親戚以為質任今舊土淪陷復成
異域南北阻遠念其分乖矜狄吾民斯事一也何獨
幾禁使彼離析外可即檢任子館及東館并帶保任

在外者並賜衣糧遂其鄉路所之阻遠便發遣舟伏
衛送必令安達若已預仕宦及別有事義不欲去者
亦隨其意

己巳以新除翊左將軍永陽王伯智為尚書僕射夏四
月丙申立皇子永康公胤為皇太子賜天下為父後者
爵一級王公以下賚帛各有差庚子詔鑄金銀薄度物
化生土木人綵華之屬及布帛短狹輕疎者並傷財廢
業尤成蠹患又僧尼道士挾邪左道不依經律民間淫

金人入汴
祀妖書諸珍怪事詳為條制並皆禁絕秋七月辛未大
赦是月自建鄴至荊州江水色赤如血八月癸未天有
聲如風水相激乙酉夜又如之九月丙午設無碍大會
于太極前殿捨身及乘輿御服大赦辛亥夜天東北有
聲如蟲飛漸移西北丙寅以驃騎將軍開府儀同三司
揚州刺史長沙王叔堅為司空征南將軍江州刺史豫
章王叔英即本號開府儀同三司

至德元年春正月壬寅大赦改元以江州刺史豫章王

叔英為驃騎將軍開府儀同三司以司空揚州刺史長
沙王叔堅為江州刺史征東將軍開府儀同三司癸卯
立皇子深為始安王秋八月丁卯以驃騎將軍開府儀
同三司長沙王叔堅為司空九月丁巳天東南有聲如
蟲飛冬十月丁酉立皇弟叔平為湘東王叔敷為臨賀
王叔宣為陽山王叔穆為西陽王叔儉為南安王叔澄
為南郡王叔興為沅陵王叔韶為樂山王叔純為新興
王十二月司空長沙王叔堅坐罪免戊午夜天開自西

北至東南內有青黃雜色隆隆若雷聲是歲頭和國遣使朝貢

二年春正月丁卯分遣大使巡省風俗癸巳大赦夏五月戊子以吏部尚江總總為尚書僕射秋七月壬午皇太子加元服在位文武賜帛各有差孝弟力田為父後者賜爵一級鰥寡不能自存者人穀五斛冬

陳書載十月己酉詔自太建十四年和調逋欠入者並聽原之

十一月丙寅大赦是月盤盤百濟國並遣使朝貢
三年春正月戊午朔日有蝕之庚午鎮左將軍長沙王
叔堅即本號開府儀同三司三月辛酉前豐州刺史章
大寶舉兵反夏四月庚戌豐州義軍主陳景詳斬大寶
傳首建鄴十一月己未詔修復仲尼廟

陳書載秋八月戊子夜老人星見 陳書載詔曰宣
尼誕膺上哲休資至聖梁季湮微靈寢忘處鞠為茂
草三十餘年今雅道雍熙由庚得所斷琴故履零落

不追閱筭開書無因循復外可詳之禮典改築故廟
蕙房桂棟咸使維新芳繁潔潦以時饗奠

辛巳幸長干寺大赦

陳書載十二月丙戌太白晝見辛卯皇太子出學講
孝經畢釋奠先師設金石樂會宴王公卿士 高僧
傳曰是年勅僧智聚於太極殿講經天子親臨講席
是歲丹丹國麗國遣使朝貢梁孝明帝殂

四年春正月甲寅詔王公以下各薦所知無隔輿阜二

月丙申立皇弟叔謨為巴山王叔顯為臨江王叔坦為
新會王叔隆為新寧王夏五月丁巳立皇子莊為會稽
王秋九月甲午辛丑武湖肆艦艦閱武宴羣臣賦詩冬
十月癸亥以尚書僕射江總為尚書令吏部尚書謝朓
為尚書僕射十一月己卯大赦是歲百濟遣使朝貢梁
後主廣運元年

禎明元年春正月戊寅大赦改元乙未地震秋九月庚
寅梁太傅安平王蕭巖荊州刺史蕭瓛遣其都官尚書

欽定四庫全書

卷十一

沈君公詣荊州刺史陳紀請降辛卯巖等帥其文武官
男女濟江隨因此遂廢梁國甲午大赦冬十一月丙子
以蕭巖為平東將軍開府儀同三司蕭瓛為安東將軍
吳州刺史豫章王叔英為兼司徒十二月丙辰以前鎮
衛大將軍開府儀同三司東揚州刺史鄱陽王伯山為
鎮衛大將軍開府儀同三司

二年春正月辛巳立皇子恮為東陽王恬為錢唐王夏
四月戊申有羣鼠無數自蔡洲岸入石頭淮至于青塘

兩岸數日自死隨流出江戊午以左民尚書蔡徵為吏部尚書是月郢州南浦水黑如墨

隋書五行志曰黑水在關中今淮南水黑乃陷於關中之應

五月甲午東冶鑄鐵有物赤色大如數升自天墜鎔所有聲隆隆如雷鐵飛出墻外焚人家六月庚子廢皇太子肩為吳興王立揚州刺史始安王深為皇太子辛丑以太子詹事袁憲為尚書僕射丁巳大風自西北激濤

水入石頭城淮渚暴溢漂沒舟乘冬十月己亥立皇子
藩為吳郡王辛丑以度支尚書姚察為吏部尚書己酉
幸莫府山大校獵十一月丁卯詔尅日于大政殿訊獄
丙子立皇弟叔榮為新昌王叔匡為太原王初隋文帝
受周禪甚敦鄰好宣帝尚不榮侵掠太建末隋兵大舉
聞宣帝崩乃命班師遣使赴弔修敵國禮書稱姓名頓
首而後主驕書末云想彼統內如宜此宇宙宙清泰隋
文不悅以示朝臣清河公楊素以為主辱臣死再拜請

罪及襄邑公賀若弼並奮求致代後副使袁彥聘隋竊
圖隋文以容以歸後主見之大駭曰吾不欲見此人每
遣間謀隋文皆給衣馬禮遣以歸後主愈驕不虞外難
荒於酒色不恤政事左右嬖佞珥貂者五十人婦女美
貌麗服巧態以從者千餘人常使張貴妃孔貴人等八
人夾坐江湄孔範等十人預宴號狎客先令八婦人製
采箋製五言詩十客一時繼和遲則罰酒

隋書音樂志曰後主于清樂中造黃鸝留後玉樹後

庭花等曲與幸臣等綺艷相高極其輕薄男女唱和
音甚哀

君臣酣飲從夕達旦此為為常而盛修宮室無時休止
稅江稅市徵取百端刑罰酷濫牢獄常滿覆舟山及蔣
山栢林冬月常多采醴後主以為甘露之瑞前後災異
甚多有神自稱老子游都下與人對語不見形言吉凶
多驗得酒輒嚼之經三四年乃去舟下有聲云明年亂
視之得嬰兒長三尺而無首蔣山衆鳥鼓兩翼拊膺曰

奈何帝奈何帝又建鄴城無故自壞青龍出建陽門并
涌霧赤地生黑白毛大風拔朱雀門臨平湖草舊塞忽
自通後主又夢黃衣圍城乃盡去繞城橘樹

隋書五行志曰隋受禪後上下通服黃衣乃隋師攻
圍之應

又見大蛇中分首尾各走夜中索飲忽變血有血露階
至御坐牀頭而火起有狐入御牀下捕之不見以為妖
乃自賣佛寺為奴以穰之又於郭內大皇佛寺起七層

塔未畢火從中起飛至石頭城死者甚衆又采木湘州
擬造正寢棧至牛渚磯盡沒水中既而漁人見棧浮海
上齊雲雲觀國人歌曰齊雲觀冠來無際畔始北齊未
諸省官人多稱省主未幾滅至是舉朝亦有此稱職者
以為省主主將見省之兆隋文帝謂僕射高顗曰我為
民父母豈可限一衣帶水不極之乎命作戰船或謂密
之隋文曰吾將顯行天誅何密之有使投柝于江謂若
彼能改吾又何求又納梁蕭瑀蕭巖隋文愈怒以晉王

廣為元帥督八十總管來伐乃送璽書暴後主二十惡
又散寫詔書三十萬紙徧喻江外諸軍既下江濱鎮戍
相繼奏除新除湘州刺史施文慶中書舍人沈客卿掌
機密並抑而不言初蕭巖蕭瑒之至也德教學士沈君
道夢殿前長人朱衣武冠頭出欄上攘臂怒曰那忽受
叛蕭誤人事後主聞心忌二蕭故遂散其衆以巖為東
揚州刺史瑒為吳州刺史使領軍任忠出守吳興郡以
襟帶二州使南平王綦鎮江州永嘉王彥鎮南徐州尋

召二王赴明年元會命緣江諸軍防船艦悉從二王還都為威勢以示梁人之來者由是江中無一戰船上流諸州兵皆阻楊素軍不得至都下甲士尚十餘萬人及聞隋軍臨江後主曰王氣在此齊兵三至周兵再至無不摧沒今鹵復至必當自敗孔範亦言無度江理但奏使縱酒作詩不輟

三年春正月乙丑朔朝會大霧四塞入人鼻皆酸後主昏睡至晡時乃罷是日隋將賀若弼自北道廣陵濟

韓擒虎趨橫江濟分兵晨襲采石取之進拔姑熟次於
新林時弼攻下京口緣江諸戍望風盡走弼分兵斷曲
阿之衝而入丙寅采石戍主徐子建告變戊辰乃下詔
曰犬羊陵縱侵竊郊畿蜂蠆有毒宜時掃定朕當親御
六師廓清八表內外並可戒嚴於是以前蕭摩訶為皇畿
大都督樊猛為上流大都督樊毅為下流大都督同馬
消難於文慶並為大監軍重立賞格分兵鎮守要害僧
尼道士盡皆執役庚午賀若弼攻陷南徐州辛未韓擒

虎又陷南豫州隋軍南北道並進辛巳賀若弼進軍鍾山頓白土岡之東南衆軍敗績弼乘勝進軍宮城大北掖門是時韓擒虎率衆自新林至石子岡鎮東大將軍任忠出降擒虎仍引擒虎經朱雀航趣宮城自南掖門入城內

隋書五行志曰陳初童謠云黃斑青驄馬發自壽陽溪來時冬氣未去日春風始後果為擒虎所及擒虎黃斑之謂破建康乘青驄馬往返時節皆應

文武百司皆遁出唯尚書僕射袁憲後閣舍人夏侯公
韻侍側憲勸後主端坐殿上正色待之後主下榻馳去
曰鋒刃之下未可交當吾自有計乃逃于井二人苦諫
不從以身蔽井

陳書載憲苦諫公韻以身蔽井

後主與爭久方得入沈后居處如常太子深年十五閉
閣而坐舍人孔伯魚侍焉軍士叩閣入深安坐勞之曰
戎旅在塗不至勞也既而軍人窺井呼之後主不應欲

下石乃聞叫聲以繩引之驚其太重及出乃與張貴妃
孔貴人三人同乘而上隋文聞之大驚開府鮑宏曰東
井上於天文為秦今王都所在投井其天意邪先是江
東謠多唱王獻之桃葉辭云桃葉復桃葉渡江不用楫
但渡無所苦我自迎接汝及晉王廣入據臺城送後主行
名桃葉果乘陳舟渡丙戌晉王廣入據臺城送後主行
東宮三月己巳後主與王公百同發建鄴隋文亦權分
京城民宅以俟內外修整遣使迎勞之陳人詠詠忘其

亡馬使還奏言自後主以下大小在路五百里累累不絕隋文嗟嘆曰一至于此及至長安陳與服器物於庾引後主於前及前後二太子諸父諸弟衆子爲王者凡二十八人司馬消難尚書令江總僕射袁憲驃騎蕭摩訶護軍樊毅中領軍魯廣達鎮軍將軍任忠吏部尚書姚察侍中中書令蔡徵左衛將軍樊猛自尚書郎以上百餘人隋文使納言宣詔勞之

陳書晉熙王叔文傳曰後主及諸王侯將相并乘輿

服御天文黃籍等並以次行列仍以鐵騎圍之隋晉
王秦王等獻凱而入列于廟廷高僧傳曰長干寺
育王像屢著神驗禎明中像面轉西勅延太極殿設
齋先有七寶冠在像頂飾以珠玉甚重上復加錦帽
至曉寶冠掛於像手錦帽加頂上帝聞之乃焚香禮
曰若國有不祥則脫冠如故仍以冠置頂明晨復脫
掛上下同懼至是皆露首面縛長安

次使內史令宣詔責後主以君臣不能相弼後主伏地

屏息不能對乃詔陳武文宣三帝陵摠給五戶分守之
初武帝始即位其夜奉朝請史普直宿省夢有人自天
而下尊從數十至太極前殿北面執玉策金字曰陳氏
五帝三十二年及後後主在東宮時有婦人哭入唱曰
畢國主有鳥一足集其殿庭以嘴畫地成文曰獨足上
高臺盛草變為灰欲知我家處朱門當水開解者以為
獨足蓋指後主獨行無衆盛草言荒穢隋承火運草得
火而灰及至長安與其家屬館于都水臺所謂土高臺

當水也言皆驗或謂後主名叔寶反語為少福亦敗亡之徵云既見宥隋文給賜甚原數得引見班同三品每預宴恐致傷心為不奏吳音後監守者奏督寶云既無秩位每預朝集願得一官號隋文曰叔寶全無心肝監者又言叔寶常耽醉罕有醒時隋文使節其酒既而曰任其性爾何以過日未幾隋文又問監者叔寶所嗜監對曰嗜驢肉問飲酒多少對曰與其子弟日飲石隋文大驚及從東巡登芒山侍飲賦詩曰日月先天德山

河壯帝居太平無以報願上東封書并表請封禪隋文
優詔不許許從至仁壽宮待宴及出隋文帝目之曰此
敗豈不由酒何如將作詩功夫思安時事耶當賀若弼
渡京口彼人密啓告急叔寶酣飲遂不省及高頻至日
猶見啟在牀下未開此亦可笑蓋天亡也昔苻氏所征
得國皆榮貴其主苟欲求名不知違天命與官乃違天
耳隋文以陳氏子弟既多恐在京為過皆分置諸州縣
每歲賜衣安全之後主以隋仁壽四年十一月壬子終

於洛陽時年五十二贈大將軍封長城縣公諡曰煬
時隋煬帝已即位矣豈知煬人者乃自煬也

葬河南洛陽之邙山

愚按後主亡後與世祖高宗之後皆綿綿隋唐而後
主弟叔達遂相唐高祖云

論曰孝宣氣度弘厚有人君之量文帝知冢嗣仁弱早
存太伯之心績業後拓土開疆德不逮文智不及武患
大不已晚致呂梁之敗江左日蹙抑此之由也後主因

削弱之餘鍾滅亡之運刑政不樹加以荒淫失以三代之隆歷世數十及其亡也皆敗於婦人況以區區之陳外鄰德覆車之跡尚爾追縱叔季其獲支數年年亦為幸也雖忠義感慨致慟井隅何救參秀之深悲適足取笑乎千祀嗟乎始梁末童謠云可憐馬巴子一日行千里不見馬上郎但見黃塵起黃塵汚人衣皁笑相料里及僧辯滅羣臣以謠言奏聞曰僧辯本乘巴馬以擊侯景馬上郎黃字也塵謂陳也而不解皁笑之謂詭而陳

金史卷一百一十二
滅于隋說者以謂江東謂殺羊角為阜笑隋氏姓楊楊
羊也言終滅于隋然則興亡之兆蓋有數云

南北史于諸代皆載唐魏徵論獨陳不載今取陳書
補之曰高祖拔起壘畝有雄傑之姿始佐下藩奪英
奇之略弭節南海職思靜亂援旗北邁義在勤王掃
侯景于既成拯梁室于已墜天網絕而復續國步屯
而更康百神有主不失舊物魏王延漢鼎祚宗武反
晉乘輿懋績鴻勳無以尚也于時內難未弭內隣勅

敵王琳作梗於上流周齊搖蕩于江漢畏首畏尾若
存若亡此之不圖遽移天厯雖皇靈有睠何其遠也
然志度弘遠懷抱豁如或取士仇讎或擢才亡命掩
其受金之過宥其吠堯之罪委以心腹爪牙咸能得
其死力故能決機百勝成此三分方諸鼎峙之雄無
慙權備矣世祖天姿淑哲清明在躬早預經綸知民
疾若德刑並用戡濟艱虞羣兇授首強鄰震懾雖忠
厚之化未能及遠恭儉之風足以垂訓若不尚明察

則守良文主臨海年長於成王過微於太甲宣帝有
周公之親無伊尹之志明辟不復桐宮遂往欲之罪
其無辭乎高宗爰自在田雅量宏廓登庸御極民歸
其厚智勇爭奮師出有名揚旆分麾風行電掃聞土
千里奄有淮泗戰勝攻取之勞近古未有也既而君
侈臣勞將驕卒情帑藏空竭折衄師徒於是秦人方
彊遂窺兵于江上矣李克以為吳之先亡由乎數戰
數勝數戰則民疲數勝則主驕以驕主御疲民未有

不亡信哉言乎高宗始以寬大得人終以驕侈致敗
文武之業墜于茲矣後主生深宮中長婦人子既屬
邦國殄瘁不知稼穡難艱初懼陷危屢有哀矜之詔
後稍安集復扇淫侈之風賓禮諸公唯寄情于文酒
昵近羣小皆委之以銜軸謀謨所及遂無骨鯁之臣
權要所在莫匪侵漁之吏政刑日紊尸素盈朝耽荒
為長夜之飲寵嬖同艷妻之孽危亡弗恤上下相蒙
衆叛親離臨機不寤身投于井冀以苟生視其以此

求全抑亦民斯下矣遐觀列辟纂武嗣興其始也皆
欲高視五帝俯協三王然而靡不有初克終蓋寡其
故何哉並以中庸之才懷可移之性口存仁義心懷
嗜慾仁義利物而道遠嗜慾遂性而便身便身不可
久違道遠難以固志佞諂之倫承顏候色因其所好
以悅導之若下坂走丸譬順流決壅此所以成康文
景千載罕遇癸辛幽厲靡代不有毒被宗社身嬰戮
辱為天下笑可不痛乎古人有言亡國之主多有才

執考之梁陳及隋信非虛論然則不從教義之本偏
尚淫麗之文徒長澆偽之風無救亂亡之禍矣

南北史合注卷十一